

Adroddiad i'r: Pwyllgor Archwilio Partneriaethau

Dyddiad y Cyfarfod: 14 Medi 2017

Aelod / Swyddog Arweiniol: Bobby Feeley / Nicola Stubbins

Awdur yr Adroddiad: Phil Gilroy

Teitl: **Cyllidebau cyfun**

1. **Am beth mae'r adroddiad yn sôn?**

Mae'r adroddiad hwn yn rhoi gwybodaeth i Aelodau ynglŷn â threfniadau cyllideb gyfun bresennol ac yn y dyfodol rhwng Cyngor Sir Ddinbych (CSDd) a Bwrdd Iechyd Prifysgol Betsi Cadwaladr (PBC)

2. **Beth yw'r rheswm dros lunio'r adroddiad hwn?**

Darparu gwybodaeth ynglŷn â phrofiad yn y gorffennol o gyfuno cyllidebau rhwng CSDd a PBC a diweddarau Aelodau ar ofynion Deddf Gwasanaethau Cymdeithasol a Llesiant (Cymru) 2014 i gyfuno cyllidebau rhwng Awdurdodau Lleol a Byrddau Iechyd ar gyfer comisiynu gwasanaethau gofal preswyl.

3. **Beth yw'r Argymhellion?**

Bod Aelodau yn ystyried y wybodaeth a ddarperir ac yn rhoi sylwadau ar y profiadau hyd yma yn ogystal â gofynion ar gyfer y dyfodol.

4. **Manylion yr adroddiad**

4.1 Y Cefndir Cyfreithiol

I ddechrau rhoddodd Deddf Iechyd 1999 hyblygrwydd sylweddol i gyrff y GIG a llywodraeth leol i gyfuno cyllidebau, integreiddio gwasanaethau ac / neu ddirprwyo'r gwaith o gomisiynu neu reoli darpariaeth gwasanaethau penodol i bartner arweiniol (a gyfeirir atynt yn gyffredin fel Cytundebau Partneriaeth adran 33). Mae Deddf Gwasanaethau Cymdeithasol a Lles Cymru, Rhan 9, yn gorchymyn fod asiantaethau iechyd a gofal cymdeithasol ym mhob Bwrdd Partneriaeth rhanbarthol yn sefydlu ac yn cynnal cyllideb ar y cyd mewn perthynas ag arfer eu swyddogaethau llety cartref gofal erbyn mis Ebrill 2018.

4.2 Profiad Lleol

Yn Sir Ddinbych mae gennym ddau Gytundeb Partneriaeth Aran 33 ffurfiol hirhoedlog a chyfredol yn ymwneud â chyllidebau cyfun; un ar gyfer y gwasanaeth offer cymunedol integredig (CESI) ac un ar gyfer gwasanaeth bychan Gweithwyr Cefnogi Iechyd a Gofal Cymdeithasol (HSCSWs).

Trafodwyd Adran 33 ar gyfer integreiddio rhai agweddau o Therapi Galwedigaethol yn 2007 -2008, fodd bynnag, nid oedd unrhyw gytundeb ar yr adnoddau (adnoddau dynol yn yr achos hwn) i'w hymrwymo i'r Bartneriaeth, felly ni chafodd ei llofnodi.

Roedd yna hefyd drefniant anffurfiol sawl blwyddyn yn ôl i fonitro cyllideb gofal canolradd 'rithwir' gyfun, a weithiodd yn dda nes i arian grant gymryd drosodd ac i bartneriaid ddechrau tynnu yn ôl elfennau o'u cyllideb refeniw eu hunain wrth i'r sefyllfa ariannol waethygu o fewn eu sefydliadau eu hunain. Caiff y Pwynt Mynediad Sengl ei fonitro mewn ffordd debyg rŵan.

Mae yna felly brofiad helaeth o gyfuno ar raddfa fechan.

4.3 Dysgu o Brofiad (gweler Atodiad 1 i gael rhagor o fanylion)

4.3.1 Materion Ariannol

- Mae'n llawer haws i'r Awdurdod Lleol nodi'r cyllidebau a'r symiau perthnasol i'w cynnwys mewn cyllideb gyfun na'r Bwrdd Iechyd, gan fod eu cyllidebau wedi eu rhannu rhwng gwahanol rannau o'r sefydliad.
- Mae angen i wahanol ofynion TAW rhwng sefydliadau hysbysu arfer gorau.

4.3.2 Materion llywodraethu

- Mae'n hanfodol cael cytundeb ffurfiol i egluro a chytuno ar nodau, amcanion a chanlyniadau'r bartneriaeth – mae angen i'r iaith fod yn ddiamwys ac mae angen cytundeb ar ansawdd a safonau

4.3.3 Barn Cyfranogion

- Gwahoddwyd cydweithwyr o PBC a CSDd i rannu eu barn ar 'gyllidebau cyfun' yn seiliedig ar eu profiad personol gyda chyllidebau a sefydlwyd ar gyfer CESI/ SPOA a HSCSW. Roedd pob un o'r cyfranogwyr yn gefnogol i weld ehangiad cyllidebau cyfun, lle caiff blaenoriaethau eu rhannu.

5. **Sut mae'r penderfyniad yn cyfrannu at y Blaenoriaethau Corfforaethol?**

Bydd darparu cyllidebau cyfun yn cefnogi blaenoriaethau presennol:

- Sicrhau bod pobl ddiamddiffyn yn cael eu diogelu ac yn gallu byw mor annibynnol â phosibl; a
- Moderneiddio'r cyngor i sicrhau effeithlonrwydd a gwella gwasanaethau ar gyfer ein cwsmeriaid

6. **Faint fydd yn ei gostio a sut fydd yn effeithio ar wasanaethau eraill?**

Ar hyn o bryd mae llawer o waith yn cael ei wneud yn rhanbarthol i ddeall goblygiadau cyfuno cyllidebau gofal preswyl. Bydd adroddiad pellach i'r Pwyllgor Craffu yn darparu'r manylion hyn.

7. **Beth yw prif gasgliadau'r Asesiad o'r Effaith ar Les?**

Nid oes Asesiad o'r Effaith ar Les lleol wedi cael ei gwblhau gan fod cyfuno cyllidebau yn un o ofynion statudol y Ddeddf Gwasanaethau Cymdeithasol a Llesiant, lle cynhaliwyd asesiad effaith cenedlaethol.

8. Pa ymgynghoriadau a gynhaliwyd gydag Archwilio ac eraill?

Dyma'r adroddiad cyntaf i Graffu ar y mater hwn.

9. Datganiad y Prif Swyddog Cyllid

Ar hyn o bryd mae llawer o waith yn cael ei wneud yn rhanbarthol i ddeall goblygiadau cyfuno cyllidebau gofal preswyl. Bydd adroddiad pellach i'r Pwyllgor Craffu yn darparu'r manylion hyn.

10. Pa risgiau sydd yna ac oes yna unrhyw beth y gallwn ei wneud i'w lleihau?

Ar hyn o bryd mae llawer o waith yn cael ei wneud yn rhanbarthol i ddeall goblygiadau cyfuno cyllidebau gofal preswyl. Bydd adroddiad pellach i'r Pwyllgor Craffu yn darparu'r manylion hyn.

11. Pŵer i wneud y Penderfyniad

Mae pwerau'r Pwyllgor Archwilio mewn perthynas â'r mater hwn wedi'u pennu yn Adran 21 Deddf Llywodraeth Leol 2000 ac Adran 7.4.2(b) o Gyfansoddiad y Cyngor.